



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Æstiva - A Dominica SS. Trinitatis, ad Dominicam decimamquintam
post Pentecosten

Haineuve, Julien

Coloniæ Agrippinæ, 1665

Feria 3. De 8. Beatitudine quæ est tolerantia persecutionum propter
Iustitiam. Beati qui persecutionem patiunter propter Iustitiam.

urn:nbn:de:hbz:466:1-44226

F E R I A T E R T I A .
DE OCTAVA BEATITVDINE, QVÆ EST
TOLERANTIA PERSECUTIONUM
PROPTER JUSTITIAM.

Beati qui persecutionem patiuntur propter iustitiam. Matth. 5.

RATIO EST, Quia beati sunt illi quorum est regnum Cælorum, etiam ex hac vita, quantum inchoari potest hoc regnum. Sed tale regnum illorum est qui persecutionem patiuntur.
 Ergo & Beati; & sic pland sentiendum de nobis cum persecutionem patimur.

I. PUNCTUM.

CUM per virtutes in septem Beatitudinibus comprehensas pia Sanctorum via instituat: Cumque omnes qui pie volunt vivere in Christo Iesu, persecutionem patiuntur, rectè octava hæc Beatitudo cæteris additur, ut ad quælibet toleranda parati potius simus quam à virtute deficere. Nihil horum timeas qua passurus es propter virtutem, nam vel hoc solo nomine Beatus eris, quia tuum erit regnum cælorum; non illud tantum quod futurum speratur in æterna Sanctorum beatitudine, sed quod jam inchoatur in anima de quo dicitur: Regnum Dei intra vos est: & Regnum Dei Rom. 14. Iustitia & pax & gaudium in Spiritu Sancto.

Hæc sunt quæ modò attentius considerentur: atque illud imprimis unde aliud deducatur quàm verè Beati sint illi quorum est tale regnum seu in quibus regnat Deus. Certè jam pridem dictum est, & instat oraculi celebratum universim, quod illa demùm forent beata regna in quibus vel Reges essent Sapientes, vel Sapientes essent Reges, quod nulli unquam regno verius contigit quàm interno Dei regno, ubi quæ regnat ipsa est divina Sapiencia quæ, quanta quanta est, tota leges præscribit, mores componit, acta dirigit & cuncta regit. Beati viri tui, & beati servi tui, dicebat Salomoni Regina Saba: sed quanto verius Regi Regum, Quis plus quàm Salomon est, ne plura dicam quam ipse de se dixit.

Beati oculi, inquit ille, qui vident qua vos videtis, & beata aures vestra qua audiunt. At cur non ita beatum peccus esset, cur non beata

anima quæ illum ipsum habet secum loquentem secum omnia operantem, & sibi dominantem? Denique quid hic hæremus cum dicenti eisdem, beatum ventitem qui illum portasset & ubera quæ suxisset; Quin immò, inquit, Beati sunt qui audiunt verbum Dei & custodiunt illud: Quibus paucis verbis, & quid esset illud regnum, & quàm beatum esset, satis indicavit; sed an tu audias & custodias verbum illud, in quo regnum Dei situm est, tu paulò attentius recogita.

Luc. 11.

II. PUNCTUM.

ATQVI hoc Regnum, illorum est qui persecutionem patiuntur propter Iustitiam.

Hæc est illa universalis Iustitia, qua, ut iam dictum est, verbum Dei auditur & custoditur: quæ virtus omnis exercetur: quæ leges illæ divinæ servantur quibus suos Christus regit. At verò cum quis propter talem iustitiam injustè patitur, signum est manifestum, quod tam fidelis & constans est in illa servanda iustitia, ut malit malè tractari & persecutionem pati, quàm vel ullam violare legem: unde & illud sequitur quòd in eo sit regnum Dei, aut quòd is in regno Dei sit; quandoquidem istud regnum non aliter floret aut viget, quàm per virtutem & constantem divinarum legum custodiam, in qua nullus magis excellit quàm qui magis propter ea patitur. Parati sumus mori magis quàm patrias Dei leges prævaricari, E cælo ista possideo, nempe linguam & manus, sed propter Dei leges, nunc hæc ipsa despicio. Ego sicut & fratres mei animam & corpus meum traño pro patriis & divinis legibus. Sic Machabæi persecutionem patientes propter iustitiam, facti sicut regnum Dei: & illi fuerunt Sancti de quibus Apostolus: Sancti per fidem vicerunt regna, operati sunt iustitiam, adepti sunt repromissiones, & quæ susè Apostolus prosequitur. Quid tu propterea patieris? aut quoties ne propterea patiereris, maluisti legem infringere? Vos est literatus? Vos Hebr. 11. legis

2. Mach. 7.

4. 33. legis verba ponderans? Vbi Doctor parvulorum?
O præclarè dictum à Propheta!

III. PUNCTUM.

ERGO illi Beati sunt qui persecutionem patiuntur propter Iustitiam, quoniam ipsorum est Regnum cælorum; seu regnum illud Dei quod ad cælestè perducit tam certò, quàm certum est non regnare Deum in anima nisi per Iustitiam & per virtutes propter quas qui persecutionem patiuntur, ipsi sunt omnium aptissimi & dignissimi cælo fruendo: proptereaque dictum est in

Apoc. 14.

Hic patientia Sanctorum est, qui custodiunt mandata Dei & fidem Iesu.

3. p. Pa-

stor Adm.

10.

Et quidem hinc servandæ patientiæ motivum est efficax, sed quomodo servari debeat, a piè monet S. Gregorius. *Admonendi sunt, inquit, patientes ne in eo quod exterius portant, interius doleant, ne tanta virtutis sacrificium, quod integrum foris immolant, intus malitia peste corrumpant, & cum ab hominibus non agnoscitur, sed tamen sub divina examinatione peccatur, tanto deterior culpa doloris fiat, quanto sibi ante homines, virtutis speciem vendicat. Dicendum itaque est patientibus ut studeant diligere quos sibi necesse est tolerare, ne si patientiam dilectio non sequatur, in deteriorem culpam odii virtus ostensa vertatur.*

Et post multa de hoc argumento. *Virtus itaque est, coram hominibus, adversarios tolerare; sed virtus, coram Deo, diligere; quia hoc solum*

Deus sacrificium accipit quod quidem ante ejus oculos in altari boni operis, flamma Charitatis incendit. Vide plura quæ pergit & illud præcipue cave, quod monet evenire plerumque patientibus, ut eo quidem tempore quo vel adversa patiuntur vel contumelias audiunt, nullo dolore pulsantur, sed cum post paululum hac ipsa qua pertulerunt, ad memoriam revocant, igne se doloris inflammant, argumenta ultionis inquirunt, & mansuetudinem quam tolerantes habuerunt, retrahentes in malitiam vertunt, &c. Nonne hoc tibi accidit aliquando? quis verò tum animus? an motum internum reprimis? an contines? Contine saltè linguam, & invita etiam depravata natura, benedic Dominum, & beatum te prædica quod patiaris. *Ecce beatificamus eos qui sustinuerunt,* ait S. Jacobus; *At cur non eos etiam modo qui sustinent? cur non te ipsum, quando est aliquid gravius sustinendum?*

Videri debet in 2. parte, tota præsertim Hebdomada 1. Quadrag. ubi hæc profantæ Veritates:

Quo in cælis corona gloriæ sumetur vultu, hoc in terris calix sumendus est.

Si propter Scripturas sunt adversa toleranda, sunt libenter toleranda.

Necnon Hebd. Passionis, ubi hæc inter alias per opportuna.

Non quæsitæ cruces, sunt magis exquisitæ.

FERIA QVART A.
DE EADEM OCTAVA BEATITVDINE, QUÆ
SPECTAT AD MALEDICTIONES AUT BENE-
DICATIONES MUNDI.

Beati estis cum maledixerint vobis. Matth. 5.

Va cum benedixerint vobis homines. Luc. 6.

RATIO EST, Quia illi Beati sunt, aut miseri, quibus benedicit, aut maledicit Deus.

Sed illis benedicit Deus, quibus maledicunt homines; & contra illis maledicit quibus benediciunt.

Ergo Beati estis cum maledixerint vobis; & va cum benedixerint homines. Quod tam certa fide credendum est, quàm quodvis dictum ab eo qui mentiri non potest.

I. PUNCTUM.

ILLUSTRANDÆ apertius octavæ Beatitudini, quæ est universalis tolerantia persecutionum omnium, adjungere voluit Dominus & hanc particulatim designare tolerantiam, cum nos maledictis & probris insequerentur homines, propter justitiam & contra veritatem; quia tum maxime natura est fragilis & tum præcipue roboranda. Iterum ergo propter

ca